

XIV. La Véra tra Ampëz e Marò.

Chianté chianti la véra sangüinòşa,
Tra Maròi, Chiadorins e Ampezan' fata,
Per at' dë crodeltè dër spaventòşa,
Ad èster bëgn descrita e tratada ata.
Les batalies crodèles dirai e dures,
6 K'á fat tan dë comúnes plù kě pures.

Dùt rendeněš, valons, crëp ed altëzes;
Pif, paf, puf, pif, paf, puf! sù per Fodara;
Pif, paf, puf, pif, paf, puf! fina in Chiavëzes.
La véra e l šesür rúa kina a Armentara.
Dal dí spavënta dlonc les stlopetades,
12 Dë noet sprígora tért les sfogatades.

Dë les batalies longies gran Fodara
È la gáoža, lapró la mont dë Fóses;
Còi Chiadorins va ki d' Ampëz inch para,
Adùm fégi tē dutes kēles cóses,
Kě pé per bat Maròi dër adatades,
18 Sī spó bones o rīs ed indiaolades.

An' ed an' á dorè tra d'ëi la véra;
Les monts, les valz, dë mórt' èles corides,
Mai tría, mai pëz da n pëz n'á kēla téra;
D'i crëp les rises pé iló trës daorides
Per dloti mórt', jetá jù tē fezúres
24 Da maus crodèles, zënza pietè e dures.

Dë kēla confüzion ón na finada,
Na dezizion ó dùt' kě sibě fata;
Kě dùta la rejon sī bëgn stodiada
E sùl confin la córda del lonc trata;
I térmoi sī mazá dó kēla avişa,
30 Scëc.ëi è batús da dī sùn mont d'Inzişa.

Dai póst' scognüs së lévi düt' atira,
576 Salté salti da olá kě l šelo i tira.

Scèc léc stlút düt incërc da la natūra,
Can k'ël pó da val pért fa na sbrocada,
Tól saš e lëgns intīrz, tóć' dē pastūra,
Chiamp, pra, chiaşes, mažons tē na stlop'tada
E cūr düt cant dē smōia, dē róa slargiada,
582 Olá kě l'èga pasa e së féž strada:

Inscí vëgn šëgn ten còlp con sbonf e fórza
Dē Sēnes, del valon dē Rūdo armada,
Fornida d'érmes taiēntes scèkě smórza,
Agozades con dēr bona amorada;
Rendeni fégi, scraian con ūž salvara,
588 Düt' ki crëp, Sénes, Fanes e Fodara.

Šëgn scomëncia la véra spaventōşa
Contra ki dē Chiadūra e de Cortina,
Sērā it da vigni pért da gënt rabiōşa
Per litighes, kě mai nē rúa e ne fina;
L sën da an' ed an' tegni it, šëgn ciafel aria
594 E romp fōra con fūria düt salvaria.

I Maròi, trasportá da rabia vércia,
Bat in tóć', féž düt pèc dē chièz k'ëi inconta.
Scèc cér dotòrz, per tó a amaré la mércia,
Taia, bëgn kě l'amaré së para e imponta,
Düt l córp in tóć' e l lascia zënza vita,
600 Contënt' d'avëi podü fa dē bèla ita:

Inscí trata i Maròi ki dē Chiadūra;
Ëi táia, fōra, vëi pëta, bat e zéra
E sbodelëia düt cant a gran tortūra
Chièz k'ëi vëga toran pért a la véra;
Şables, lances, stlóp, fūrchies e manáres,
606 Këstes è dē kěl dí les bürtes ares.

Bazilio dē Runcač è scèc na fùria;
Con na manára in man batel a téra
Chièz k'ël inconta, rī angiol dē la mŭria;
Con gran fringòns odón fagean la véra
E Téodóro e Mikīl, trami dē Cóstà;
612 Dē mórt següda è ki dòì la ria pósta.

Con distenzion tra ki da les gran lances
Fichia Lézio, Tomés, Laorënz da Brúscia;
Al nemic déora ki vënter e pances
Scèc brítola dē nŭš déora la scúscia;
Les pèdies dē ki trëi vè dlonc marsciades
618 Da ferides e bŭrtes sanlasciades.

Dē fŭrchia i capi è Lŭpo dē La Sala,
Só bon compagn Linért, nasciù s'a Fréna,
Plazido dē Plazóres, bon tē stala,
Ŭgo d'Andráam, dē Bérto fi e dē Ména,
Silvèster dē Stivé, l plŭ jon d'armada,
624 Chiašan dē Caşun, l prŭm dē la tlapada.

Di ves òi şëgn chiamó i plŭ bon' dē şabla:
Amadio dē Janin, Gabriél dē Cròsta,
Bernért d'Aròt, k'ava perdù na sciabla,
Pio dē Plaza, con pèl del mŭs bèl ròsta,
Domënë dē Fordí, Páol dē Costata;
630 Dē şabla fóva i miŭs kis dó la rata.

Bŭrta, grana, crodèla e spaventòşa
È tra Maròì e Lombért' t'a Rú la véra;
Tamers, la bèla mont, per ciuf coriòşa,
È corida dē mórt', jetá per téra;
Èl n'è dē Marò, plŭ n'èl dē Chiadúra,
636 Kē dórm per trés sŭn kēla gran largúra.

I Chiadorins ed Ampezan' la zèdē,
Incercená da trëi pérts scèc èi fóva;

La maiú pért mës mori zënza remèdë,
D'atri sciampā dë chi vérs k'ëi podóva,
Mò gonót fói fermá da na sbarada,
642 Per comiè dai Maròi dó d'ëi tirada.

Fenida vè tra Ampëz, Marò la véra,
La vitoria a costé troep e chi masa;
Col'tada vè dë sanc dūta la téra,
Aspeté pón iló troepa érba grasa.
I Maròi, la vitoria ái davagnada
648 E i Chiadorins á tūt la retirada.

Destenüs è i Talian' iló per téra;
Tra i mórt' èl i feris, kě baodiëia e gëma,
Sě berdòra, sě palpa, tira e zéra,
Scráia, prëia, chiara, despèra con blastëma;
I Maròi vèga i mórt' e les ferides,
654 Mò les ingiuries n'è chiamó fenides.

Dūt ten còlp diš n Marò dë gran sapiënza:
„Vadagnè ons şëgn con pëna la vitoria,
Fat ons la véra con inteliğiënza;
Meritè zënza dúbë ons dūt' gran gloria;
Bon féz dó gran' strabač picera festa.
660 Şëgn kě la gënt è bëgn saorida e mèsta.

La fësta, k'i á tel chiè, è dë les plü bèles:
Kidlè kidlons tē kesta gran planūra,
Nó per pèst forni sū dūt dë cordèles,
Mò per gloria ed onòr e per bravūra;
La pastūra kiló sī la kidlára,
666 Èla è bèla da plan scèkě n'avára!

I mórt' talian', destrat' per les colines,
Ki sī, bī vërt' a dërta sū, nūš kīdli!
Per cògores les têtes chiadorines
Nes servirá, magari chi da pīdli!

Trëi bót' poròm orons bëgn nes conzèdë;
672 La kidlára argignèdë e spó tirèdë!“

Da düt' è la propósta bëgn laldada;
Chiamó na òta scomëncia l júc dë véra,
Mò còi feris e mórt' l'án impiantada,
Kë zënza aiüt e defëza è iló per téra;
Chiès e córp plü dë dòl cënt prëš abinen,
678 Con kël bür júc ki pùri mórt' scintinen.

L comandant, l pròs Bracon, vëgn dë Fodara
Dó avëi paré in malóra l rèst dë Chiadúra;
Ël vëgn sùn só chiaval ed atri para;
Sporoman val per këla gran largúra,
Rüva, l chiaval düt mól, sùn këla plaza,
684 K'è dal júc indiaolé agiada e düt paza.

L Bracon vëga dan ël là gran vergògna;
Ël chiara dī e nē pó crëi kël k'ël vëga:
I sū t' infamia straòt' scèkë tē rògna,
Kë nē pó èster lavada mai con èga,
Mò mësà gni còl fër lorënt borzáda,
690 Šë l'infetazion dës èster levada.

Batalia á l bon Bracon tra d'ël plü dúra,
Plü ria da davagnè kë la ria véra
Vënta con ki d'Ampëz e dë Chiadúra,
Bëgn k'ëla sibë stada plü kë chiéra;
Mò calmé só sën digel solamënter:
696 „Vergognüş, sū i jonëdli snël keš mënter!“

I Maròi l gran tórt fat dad ëi capësci;
Al Bracon, kë pé l'angiol dë vendëta,
Zënza dī sē pensé stimi e obedësci
Per èster l plü gran òm dë la bakëta;
Da pért lascé l kidlè i chiapī sē lévi,
702 Per i dešonorá injonedlá stévi.

I onòrz fégi spó ai mórt' dē conveniēnza,
I sepolēs dūt' cant' tē la planūra,
Talian' e Ladins zēnza desfarēnza;
Fenida dūt incērc la sepoltūra
Onorēii i mórt' chiamó con trēi sbarades,
708 Kě rendenēs dai crēp con gran tonades.

Fóra per Val sen vēgn indó l'armada;
L Bracon sùl bèl chiaval, kěl va danfóra,
I Maròi dó con cīra consolada;
N vèdl tambūr sona Tita da Fordora;
Chiantan, cigan al Plan rùvi da sēra;
714 Feni ái la véra t' ostēria a la Stēra.

Véra crodèla e búrta è kēla stada,
Mò plù búrtes chiamó è les conšeguēnzes.
Dó kēla véra trēs è la valada
Da búr signái, da strabúrtes potēnzes
Vižitada con gran dan dē ki pasa
720 E sù là noet sē fida a tórt troe masa.

N iágher vestí dē vèrt da noet scorēnta
Gonót t'a Támers vèga ki s' iufida
A traversé la mont rica dē mēnta,
Scèc fageó zēnza pòra n cér vèdl Brida
Na òta k' ēl gī a chiamūrē dē contrabándo,
726 Mesan skivè per kēs l tēmp d' érgobándo.

L Brida, n' iadē revè pró na chiašòta,
Al apēna fat fuc tē kēla bérchia
Per sē scialdé tē kēla ùtia dūt ròta,
— La sgnápa ál mèfo dēr t' la man k' ēl chiérchia —
N šešūr aldel scèc dūt gis in revina
732 E k' ēl gnis dē ki crēp na gran levina.

Èl salta fóra d' ùtia, chiara e ciùtia;
Na gran tlapada vèghel dē gran chiòres,
Kē pasa dlou saltan n pù sòt kēla ùtia:
— Dal Plan da lonč sarála al plù dūs òres —
N gran bēc fòse èl t'a mèz kēla tlapada,
738 Kē còl' iágher vèrt salta dē boriáda.

D'atres òtes chiamó té maskerades
Odú ál, scèc èl contā, nóch bon vèdl Brida:
L medèmo iágher dūt vèrt fagean saltades
A mèz dòl bür chians, chièz k' èl vègn a frida,
Con šesūr, véra, scráis, ũrli e té fūra,
744 Kē ki crēp pél kē vadē sòt e sūra.

Dlon saltan vai sù e jù per la valada,
L' iágher t'a mèz, i chians a ciampa e dërta;
Gi vai, scèc èi sciampès da val scoriada,
Dē bóta, sī la strada dërta od èrta;
Mò chièz k' èi ciafa in strada, skérzi e zéri,
750 Scèc fész i gran' sasins, gonót chi i léri.

Na pūra mұta fól n' iad' dē Meghita,
Kē vardava t'a Támers bòs e bīsces;
Inòm āla, segú l sai, Margarita;
Sùn stran dormīla zēnza lèt e cīsces
Ten piz dē la chiaşòta bēgn conciada,
756 Dó d' avēi cené žūfa bēgn smalzada.

Ía da rù dē Wŭrz tért na òta èla geùda;
Da impli d' èga sùl chiè āla na barícia;
L' iágher vèrt e i dòl chians l' á da iló odúda,
Scarzada l' ái, scèc fész giat con sorícia;
I chiavēis án ciafé dó solamēnter,
762 Mengiè dūt l' ater s' ái ki bonamēnter.

Péz në n'èl plù tē kēla gran valada,
Fata k'è stada kēla búrta véra;
Inkina mai i bī ocī l'á arbandonada
Per kiri d'atri paíš ed atra téra;
Ater në vèghen plù iló kē cornidles,
768 K'an alda gracedan scèc vèdles nidles.

Šě mesès n'iadě o l'ater tó la strada
Dě noet per Val dė Rúdo vérs Fodara,
Chiarèd' d'avěi tē gófa la raíš „Pada“,
K'á salvé nóch bon Brida da mórt rara;
Ciafé la ciafarès sòt na gran ciòscia,
776 La ciòscia ves dirá la scóla fòscia.

XV. L Bracon e l Dragon.

Súra Badía bëgn n'òra grana e intīra
Vèghen na dlīza sùn na gran colina,
Chiaša per ki kē prēia crida e lešīra;
Picera vè la dlīza, d'ért púc fina,
Mò ěla contëgn n miráco, na crúz santa,
6 K'ėzaoděš l pichiadú, kē prēia iló e chianta.

Per revè sù ě sfadiòša e ria la strada,
Mò can k'an ě revá, sěnten ligrěza
Per ěster pró la crúz in alt alzada;
Vista góden iló dė contentěza:
La val del Gader, Pútia, Marmolada,
12 Gherdenácia, Boá, Cisles ě in parada.

Súra la dlīza s'alza a gran altěza
N crěp dit „Sas da la Crúz“ da gěnt ladina;
La Varèla, bèl crěp dė gran longhěza,
I fěz compagnia scèc bona vīgina;
A sù pīš ái la bèla mont dė Fanes,
18 Abitada denant da troepes Ganes.